

(तम्बस, तङ्गदस कोरनर)

ढक्कर - ओ लगी दा होय ।

लेङ्गा - ओ लगी समु !

ढक्कर - एङ्पा तरा जे -

समु - कोडे कोडेम ।

ढक्कर - एम्है तरा हों कोडेम

समु - हई ए-रा लगदन - मेना तो ? -

ईजिरकय इंगडिन ईजिरकय ।२

सोना रुपा लेखआ ईजिरकय ।२

ईजिरकय इंगडिन ईजिरकय ।२

थरा डुवहा लेखआ ईजिरकय ।२

एन्देरगे इंगडी एन्देरगे ।२

वीरिंग विरिंग इंगडी एन्देरगे

सुरुख सुरुख इंगडी एन्देरगे ।

इदा, एन्देरगे को ढक्कर, पसआगे चिच्चकम का पोसआगे से तो एंगन तेंगा । एकासे अउला विदा चिच्चकम खने नचा-वजा संगे आन्दोरकर, इदीगेम ?

ढक्कर - एन्देर मन्जा अंति, मेना जुनु निंगडीनिम ?

समु - एन्देर मेनोन हो - एथेरअम गा लगी बेगर सस्ती ही एनेम

एथेरओर - ए - मई - एंगगा वासी अम्म चिअय तो -

ढक्कर - एरय मई, निंगममुस गे वासी अम्म ची लघअय !

फुलो - अन यो ! वासी कट्टू गा नीदिम रःई दो !

समु - ईन्दरईम अम्मन चिई अंति विटी ?

अयंग - हय दा होय, वडेत नू गा वरदय । इदि ले एंगन बीसका गहि मुल्ली ! ओन डुवहा वासी अम्म हों चिआ पोलदन ।
(खेना अम्म चिई)

समु - (खेखा नू अम्मन होअर) ओह, ससाइत, इन्ना एंग भगिना वछर गे ओन डुवहा वासी अम्म दुलम !
(डुवहन उइय्यर)

ढक्कर - ओह, ददा, तमकू गा खेत्तरा केरा !

मसु - रआ चिआ, निग्गा ओन फाँक तमकु हों अम्बन जूड़रअन ।

लेड़गा - इदा मसु, तमकु मल्ला ता एंग गुसन विड़ी रःई । आद मल घटरई ।

मसु - विड़ीन गा रआ चिआ भगिना । जे मल्ला सेन दे !

अंति - अन हो ढक्कर, भगिनासिन अक्कु जूड़ी पाँति ननोय

का - ए-रा लगदन आस राजी गहि सत्री लूर कुड़िया ती कोहा

बेलूर कुड़िया नू ओगा, बेचा मुड़ियारस चिच्चस -

ढक्कर - बेदा गा बैदिस एरा लगदन पहें बेस दव कुके गा खवखरअम मला खवखरनर ।

मसु - एकासे बेस दव कुके, ओन्टेगा बेलुरिया रहचर इङ्गियो-
एम्वा दरा इङ्गड़िन निग्गा चिच्चर अन्नेम अक्कुता आलर
मलिकर ने निगदस गहि लूरन एरर एंडो खेखती पसती ननोर
दरा चिओर । ए-रा गा लगदन एंग भगिनस गहि कड़मा नू
विड़ी सलईदिम मल घटरई - अन बे भगिना लेड़गा ! -
तेंगा तो इदना नीन लड़ग-लेड़ेग एंव अड्डा कचार उसकय
रअदय ?

निम्बस गा भला महतोसिम, असिन एकासे मेनोन !

लेड़गस - गोहला उइया गा पुनईस जूनू कादस मसु - एन गा
पेठ दरा पेठ । नेखअन ए वग्गे उरसका रअदस !

पुनई - बड़ेत नू गा नाड़दन मसु अरा पचंगी-पचंगी अड्डोद ।

(ढक्करस कैर ती अज्जो-इज्जो एरदस)

मसु - अक्कन बहिन निगहै एड़पाता वारहो बिपइतन । गोट्टा

एड़पा गहि बोभा पुनईस मंडय्या । ओह, खत्तस ! अक्कु

कादन बुचु ! एड़पा अरा खद्-खरन गा ईरकन जुनु !

अयंग - ए ददा, ओन वई मण्डी ओनोय दरा कालोय !

मसु - मण्डी-अमखीन रआ चिई मेई । भगिना-वछरु गे तो

पुरावाच निगहअय ।

अयंग - ओह ! बड़ेत नू गा वरदय दा होय (ममुस कावस)

ढक्कर - जुक्की निम बग्गे डका फौद कमदी, पाजी, निम्
ततखन नतगोन चिओन, बलदी । भागे ता निग ददस बरचका
रहचस । आसिम मल ढकढक न पुराबअस । बैमाना
वडा तंग ददस गुसन (नलिसओ) गोहरारओ । सिधिया नू
डली-ढिवा चिच्चका रअदम । एसेम मल्ला ओन्दरका, दर-
पटराठू किस्स मुक्की रअदी स्यानी, ढोल पेंडे हों मिज्जकी,
ढक्करसिन बलदी । कौड़ी-कौड़ी असुल ननोस, मुरी-मुरी
एसओस तखलेम अम्बोस ।

अयंग - धर्मे उर्मी दुःखेन पइतारनम रःई, पहें एंड ओटा एंगदा
वगर तो उज्जतर नेकआ । आर गहि उज्जना गूटि इवडा
एंगगगे एम्बम लगो ।

ढक्कर - ढेर बग्गे अम्बय कछनखरअय । इसन रायवड़ी मल्ला
मन्ना । एंगहै चलरओ इसन, (लअदस)

पुनई - वा, इङ्गियोन हूरु कोड़ा वा, हूरु पसआ वा ।

फुलो - वा, इङ्गियोन अम्बा पिटा वा, एमन ने पोसओ ।

ढक्कर - एन पोसओन - वाप रे वाप !

अयंग - अना फुलो तम्वायो, अन्ति एंगन कोड़ा-कोड़ा गा नौजगिला
नना चिआ लगदय ।

ढक्कर - हूद एन्देर करने मनी अदिन मिन्दी, एन, पाजी, एन कमई
नन्दन अरा ओन आध बोतोल ओन्दन आदिन एन्देरगे वरज-
आदी, ओड़अर उइयाय पाजी निगहै ई लूर, चड्डेम लेडगम गे
कनिया मल खकखरआ लगनर । एकसआनिम अगुवा मन्नर
खने वअदी, हरे, हूस एंगदासिम पहें कनिया अमके चिआ, पाजी !

अयंग - एंगहै वाचका का मल वाचका निगदासिन एन्देर राजी
मल एराली दरा !

लेडगा - राजी एंग नू एन्देरन एरो, जे रअदी कंच्छडई गा नीन,
(लअदस) निगहै बैसे नेम्हा गा खेखलनूम मलिकर । तनी-

तनी ओन्दन आदिन हों एरा मल सहदी । निग्गा जुड़रओ
होले का ओनोय !

ढक्कर - बेटा लेड़गा, गुचा चाँड़े, पेठ बेड़ा मन्जा ।

लेड़गा - अन वा, अन्ति मण्डी मल ओनोत

ढक्कर - एरा हो, खोल्ला हो ?

लेड़गा - (एरदस एन्दरा हों मल्ला) केच्चकर उमीन मुन्जियर
चिचर, इदा कटि बड़ा वा - ।

ढक्कर - देरा, हुदिन नीन ओना चिआ, एंगगा कीड़ा मल्ला !

प्रयंग - लेड़गा, हारे बेटा, हुदिन रःआ चिआ, बेटा, जमा मन्डी
हूदादिम बेटा, हारे हुदिन ओनोय होले निगड़ी वगर इन्ना उव-
सोर, हारे बेटा, नीन जिया नना ओंगोय, ईर गहि खद् जिया,
थोड़े जिया नना ओंगोर ।

नेड़गा - आरिन मुन्धिम ओन्ताच हों निघओय अरा नवापी हों
छटओय !

प्रयंग - हारे बेटा, ओन्टा दना इन्ना आरही वई नू मल्ला सज्जका ।
हारे, रःआ चिआ, पुनईस गे उइया काना रःई । एमागे वनी
काना रःई । हारे बेटा, निगड़ी वगर कीड़ा ती कलपारओर ।

नेड़गा - एंगन ठकआ विही (ओना बेदस) (अयंग मण्डीन
बच्ची) (मण्डी खेखेल नू खतरई काली) कलय गज-गज, ईरकी,
अक्कु ओनय, ए दे ईरकी, ओन्दय खक्खय । (अम्बदस दरा
पेठ कादस)

प्रयंग - हाय एंड्र ओंटा एंगदा वगारो, नीम मइय्याँ दया ननू ने हों
मलिकर वंगस आस तंगगा गे ससरदस । भइस, आस तगहै
कूलन एकला एरदस । हाय, नीम एकासे उज्जोर । एन
एकासे निमन पोसओन । ओंघहोन नुम ओरमत केच्चका
होले भलुक ई खेखेलता ससाइत मेटरओ पहें । निमागे कीड़ा
मला मनो पहें । पुनई कीड़ा लग्गी हेअन बेटा, मुन्दा एन्देर ननोय

एन्देरा हों गा एड्पा नु मल्ला । फुलो विटी, उन्दुल संइत नी
हों अयंग मनोय विटी, दरा एराय इन्ना अयंग गहि जिया
एवंदा ससाइत मनी, अदिन इन्नातिम नीन अखआ लगदी विट
अयंग जियागे तंगआ कूलन खयदअर, खद्दारिन ओन कं
ओन्ताअना मनी । पहें हाय ! निम्बस लेखआ आलस गे व
निंग ददस लेखआ भइय्योस गे । गुचा नीदी कूल नलख न
कालोत । मंड्डी अक्कु पिसा विगर ...।

(ओलता मुचुरई)